

Ս Ր Բ ՈՒ Հ Ի Լ Ի Ս Ի Ց Յ Ա Ն

(Մենդյան 70-ամյակի սուրիվ)

Լրացավ հայ ժողովրդական պարավեստի նշանավոր տեսաբան, պատմական գիտությունների դոկտոր Սրբուհի Սո. Լիսիցյանի ծննդյան 70-ամյակը և գիտա-մանկավարժական գործունեության 50-ամյակը:

Ս. Լիսիցյանը ծնվել է Թիֆլիսում, 1893 թ., հայտնի մանկավարժներ և հասարակական գործիչներ Ստեփան և Նկատերինա Լիսիցյանների ընտանիքում: Տառական կրթությունը ստացել է մոր հիմնադրած դպրոցում, ապա շարունակել է սովորել Թիֆլիսի առաջին իգական գիմնազիայում, որի 7-րդ դասարանը նա 1909-ին ավարտել է ոսկե մեդալով: 1910-ին ավարտելով ութերորդ մանկավարժական դասարանի պատմա-աշխարհագրական բաժինը, նա 1910—1911 ուստարում Լիսիցյան գիմնազիայում պատմության և գերմաներեն լեզվի դասատու էր: Ուսմանն ու աշխատանքին զուգընթաց Ս. Լիսիցյանն ուսումնասիրում էր գերմաներեն և ֆրանսերեն լեզուները:

1911—1917 թթ. Ս. Լիսիցյանն ուսումը շարունակել է Մոսկվայում: Այստեղ նա զուգընթացորեն սովորել է երեք տարբեր բնագավառներում՝ 1. Դերյեի անվան իգական բարձրագույն կուրսերի պատմա-փիլիսոփայական ֆակուլտետում, 2. Օ. է. Օգերովսկու դրամայի և արտահայտիչ խոսքի ստուդիայում (որտեղ միաժամանակ 1915—1917 թթ. դասատու-ասիստենտ էր), 3. Ի. Ս. Չերենցկու պարի ստուդիայում (որտեղ 1916—1917 թթ. նույնպես դասատու-ասիստենտ էր):

Մասնագիտական կրթություն ստանալուց և մանկավարժական աշխատանքի փորձ ձեռք բերելուց հետո, Ս. Լիսիցյանը 1917 թ. աշնանը վերադառնում է Թիֆլիս և սկսում Բերին հիմնում է *արտասանության, ուղիղի և պլաստիկայի* ստուդիա:

Վրաստանում 1921 թ. խորհրդային կարգեր հաստատվելուց հետո Լուսիզկովմատն այդ ստուդիան վերակառուցում է *ուղիղի և պլաստիկայի ինստիտուտ*, որտեղ Ս. Լիսիցյանը շարունակում է իր աշխատանքը:

1921—1925 թթ. Ս. Լիսիցյանն աշխատել է նաև Թիֆլիսի կոնսերվատորիայի օպերային դասարանում՝ բեմական շարժման, ուղիղի և պարերի զննող:

1930 թ. Ս. Լիսիցյանը հրավիրվում է Երևան. այստեղ մինչև 1938 թ. վերջերը նա զբաղեցնում էր խորհրդարանիկ ուսումնառանի դիրեկտորի և ավագ դասատուի պաշտոնը: 1932—1935 թթ. համառոտագրության կարգով նա եղել է Լուսիզկովմատի նյութական կուլտուրայի ինստիտուտի գիտական աշխատող: Այդտեղ նա մասնակցել է շրջաններ մեկնող գիտական արշավախմբերին, Բալիկի շրջանում նա գիտական սկզբունքներով գրել է առել 70 հայկական պար: 1936-ին մասնակցել է Ն. Բալազետի և Աղմաղանի շրջաններ մեկնող գիտարշավի ղեկավարությանը:

1938—1941 թթ. Ս. Լիսիցյանն աշխատել է Մոսկվայի «Искусство» հրատարակչությունում, որտեղ հրատարակության էր պատրաստում իր նշանավոր մենագրությունը՝ «Записи



движения (кинетोगрафия)» վերտառությամբ: Այդ ժամանակամիջոցներում նա գրել է մի քանի հոդվածներ, որ վերաբերում էին պարարվեստին և սլաքատեսակները դրի առնելու խնդիրներին: Միաժամանակ նա Մեծ քաղաքների դերասանների համար կարգում էր շարժման գրանցման արվեստը:

1942 թ. Ս. Լիսիցյանն աշխատանքի է անցնում Ռ. Մելիքյանի անվան երաժշտական կարիքներում, ավագ գիտական աշխատողի պաշտոնով: Այդ աշխատանքը նա շարունակում էր մինչև 1959 թ. աշունը, երբ նախկին կարիքներն արդեն վերակառուցվել էր արվեստի ինստիտուտի 1945 թ. սկսած հաստատության կարգով նա աշխատել է Երևանի գեղարվեստա-բանաստեղծական ինստիտուտում դոցենտի պաշտոնով, ուր մինչև 1963 թ. դասավանդում էր բեմական շարժումների, ռիթմի և հայկական պարերի արվեստը:

1959 թ. աշնանը գիտությունների ակադեմիայի նախագահության օրոշմամբ Ս. Լիսիցյանը անդամագրվում է Նոբատեղծ հնագիտության և ազգագրության ինստիտուտի բանահյուսության սեկտորը, որտեղ և այժմ աշխատում է:

Ուսումնառության շրջանից սկսած Ս. Լիսիցյանը տեսական ու գործնական աշխատանքներ հմտորեն զուգակցել և առաջ է տարել իր փայփայած մեծ նպատակը՝ արվեստագիտական գանձառան մտցնել հայ ժողովրդի ամբողջ պարարվեստի հարստությունները և մեկնել դրանց իմաստաբանությունը: Լինելով պարարվեստի հմուտ մեկնաբան, Ս. Լիսիցյանը գիտական գործունեությունը կամ պարարվեստի ուսումնասիրումն սկսել է բանահավաքական ծանր ու շնորհակալ աշխատանքով՝ դեռևս մեր դարու սկզբից, երբ գտնվում էր ուսումնառության շրջանում: Նա այժմ էլ, իր պատկառելի տարիքում նյութերի գրանցումները կատարում է մեծ բավականությամբ ու բացառիկ բարեխղճությամբ:

Երաժշտական բանահյուսության գրանցումը նա կատարել և կատարում է կոմպլեքսային կարգով: Պարերգի բնագրին զուգակցում են դրանց եղանակի ծայնագրումը, նոտագրումը և պարի շարժման ձևերի գրանցումն ըստ հեղինակի ստեղծած սխեմի: Դրանով է, որ ժողովրդական հոգևոր ստեղծագործությունները դառնում են մի տեսակ նյութական արժեքներ:

Ս. Լիսիցյանն այս մեթոդով գրի է առել պատմական Հայաստանի հիմնական ազգագրական շրջանների պարահասակները: Իր շուրջը համախմբելով բազմաթիվ բանահաղորդների, նա իր անխնայ աշխատանքի շնորհիվ հավետ կորստյան վտանգից փրկել է հարյուրավոր պարեր: Միաժամանակ նա գրի է առնում իր նախասիրած նյութերի հետ անմիջական առնչություն ունեցող ազգագրական տվյալները:

Գրանցման և ուսումնասիրման փորձը Ս. Լիսիցյանին հանգեցրին պարերի շարժման ու բեմական տեղորոշման «նոտագրմանը»: Եվրոպայում դեռևս միջին դարերում հայտնի այդ եղանակը մեծ թերություններ ուներ: Ս. Լիսիցյանն ստեղծեց նոր սխեմա, որից և գոյացավ նրա՝ միջազգային նշանակություն ստացած «Знапись движения (кинетोगрафия)» մեծածավալ աշխատությունը (1940 թ.): Այդ աշխատության համար Ս. Լիսիցյանը 1947 թ. ստացել է արվեստագիտության թեկնածուի գիտական աստիճան և դոցենտի կոչում: Այդ սխեման ունի միայն մի քանի տասնյակ սիմվոլներ, որոնցով գրի են առնվում բոլոր շարժումները: Իր իսկ մեթոդով Ս. Լիսիցյանն անձամբ գրի է առել ավելի քան 650 հայկական և 50 օրդական պարեր:

Ճշգրտությամբ գրանցված այդ նյութերն էին, որ դարձան հեղինակի «Հայ ժողովրդի սինավուրց պարերը և բանաստեղծական ներկայացումները» սեփականաշարժվող մենագրության հիմք: Այս հինգ հատորանոց աշխատությունն ընդգրկում է հայ ժողովրդի հոգևոր հարստության մի ամբողջ բնագավառը, որը հեղինակի տասնյակ տարիների տվեալներ, համառ, ազնիվ ու հայրենասեր աշխատանքի արդյունքն է: Այդ նյութերը ներկայացնում են՝ անհատական պարերը, բանաստեղծական տարեր ունեցող պարերը և զուտ բանաստեղծական բնույթի պարերը: Ըստ արտաքին հատկանիշների դասակարգելուց հետո Ս. Լիսիցյանը պարերը բնության է առել ներքին էության բացահայտման ձգտումով: Վերլուծման այդ եղանակով նա կարողացել է բաժանել յուրաքանչյուր պարատեսակի ակունքները, գտել ծագումը, պատմական դարգացման ընթացքը, ժամանակների քողած նստվածքները և այլն: Մեզանում նրան է պատկանում պարային շարժումների մեջ էպիկական ու դիցաբանական գործողությունների, նախնիների և պողաբերության հետ կապված պաշտամունքների, տոտեմիզմի վերապրուկների և այլ երևույթների հայտնագործման առաջնությունը: Պարերի մեջ նա տեսնում է ժողովրդի առօրյա կյանքի զխավոր նշանակություն ունեցող դրվագները, տնտեսությունը, ռազմական կյանքը, իրական ու ֆանտաստիկ կենդանիների կերպավորումները և այլն:

Ս. Լիսիցյանը հայկական պարերի շարժումների, գրիմների, դիմակավորման և տարազանքների մեջ այդ բոլորը կարողացել է տեսնել կյանքի խոր ճանաչողության, ուսումնասիրվող

նյութին լիակատար տիրապետելու, ստեղծագործական վառ երևակայության, ինչպես նաև ընդհանուր ազգագրության ու արվեստագիտության լաջատեղյակության շնորհիվ: Պարարվեստի վերածնության բնագավառում նրա տեսությունները ճիմնված են շոշափելի փաստերի վրա և ճշտված՝ տոնմացեղային կարգերն ապրած ժողովուրդներից ճասած հավասարի վկայություններով: Այս ուսումնասիրության մեծ արժեքը պայմանավորված է նրանով, որ Ս. Լիսիցյան գիտնականի մեջ հավասարապես ճանդես են եկել բանահավաքը, բանագետը, քալետմեյստերը, պարի արվեստաբանը, բանասերը և ազգագրագետը: Նա հմտորեն կարողացել է մեկնաբանել սլարավեստի ոլորտներն ընդգրկող բազմաթիվ տերմիններ: Փաստական նյութերի ճետ դրանք իրենց նախնական իմաստներով մեծապես օգնել են ճեղինակին՝ ստեղծելու ուշագրավ տեսություններ և առաջ լաշել մի շարք հիպոթեզներ:

Ինչպես ահուելի փաստական նյութի, նմանապես օրիգինալ ուսումնասիրությունների տեսակետից մեր ճարգարժան հորելյար Ս. Լիսիցյանի ստեղծած գործերեն իրենց տեսակի մեջ յուրանատուկ ճանրագիտաբան են: Դիտական բարձր որակը ճաշվի առնելով, Մոսկվայի Միկլուխո-Մակկայի անվան ազգագրական ինստիտուտը 1959 թ. «Հայ ժողովրդի ճինավուրց պարերը և քատերական ներկայացումները» աշխատության առաջին հատորի (1958 թ.) ճիման վրա Ս. Լիսիցյանին շնորենց պատմական գիտությունների դոկտորի գիտական աստիճան: Նա առաջին ճայ կին դոկտոր-պատմաբանն է:

Այս աշխատության հայագիտական բարձր արժեքն ակննայտ է բոլոր ճումանիտար գիտությունների գծով:

Ս. Լիսիցյանը այժմ ճամաոորեն շարունակում է պարերի և քատերական ներկայացումների ուսումնասիրումը, ինչպես նաև գիտական կադրերի պատրաստումը: Նա 1964 թ. օգոստոսին Մոսկվայում տեղի ունեցած մարդաբանական և ազգագրական գիտությունների միջազգային 7-րդ կոնգրեսում հանդես եկավ «Հայ ժողովրդի պարային և քատերական Ֆոկլորը» թեմայով փայլուն գեկուցմամբ:

Վ. ԲԴՈՅԱՆ